



საქართველოს მთავრობის განკარგულება

№1209 2016 წლის 23 ივნისი ქ. თბილისი

შპს „საქართველოს გაერთიანებული წყალმომარაგების კომპანიის“ მიერ
განსახორციელებელი ღონისძიებების შესახებ

1. „სახელმწიფო შესყიდვების შესახებ“ საქართველოს კანონის 10¹ მუხლის 3¹ პუნქტის საფუძველზე, სახელმწიფოებრივი და საზოგადოებრივი მნიშვნელობის ღონისძიებების შეზღუდულ ვადებში შეუფერხებლად ჩატარების მიზნით, შპს „საქართველოს გაერთიანებული წყალმომარაგების კომპანიამ“ (შემდგომში - კომპანია) განსახორციელოს, ონის მუნიციპალიტეტში ქალაქ ონის წყალმომარაგების გაუმჯობესების მიზნით, „ჟიჟორეთის“ სათავო ნაგებობაზე ჰორიზონტალური წყალმიმღების მშენებლობისა და საფილტრი სადგურისათვის კოაგულაციის (ალუმინის სულფატის) სისტემის მოსაწყობად, სამშენებლო სამუშაოებისა და მასთან დაკავშირებული მომსახურების შესყიდვა, გამარტივებული ელექტრონული ტენდერის მეშვეობით.

2. ამ განკარგულების პირველი პუნქტით გათვალისწინებული ღონისძიებების დაფინანსების მიზნით, საქართველოს რეგიონული განვითარებისა და ინფრასტრუქტურის სამინისტრომ (შემდგომში - სამინისტრო) უზრუნველყოს, „საქართველოს 2016 წლის სახელმწიფო

ბიუჯეტის შესახებ“ საქართველოს კანონის საფუძველზე, სამინისტროსათვის განსაზღვრული „რეგიონებში ინფრასტრუქტურული პროექტების მხარდაჭერის ღონისძიებები“ ქვეპროგრამით (პროგრამული კოდი: 25 04 07) გათვალისწინებული ასიგნებებიდან 638 000 (ექვსას ოცდათვრამეტი ათასი) ლარის კომპანიისათვის—გადარიცხვა და მისი კაპიტალის—გაზრდა გადარიცხული თანხის ოდენობით.

3. კომპანიამ უზრუნველყოს სამინისტროსათვის ინფორმაციის მიწოდება, ამ განკარგულების მე-2 პუნქტის საფუძველზე გადარიცხული თანხის ხარჯვის თაობაზე ან სამინისტროს მოთხოვნის შესაბამისად.

პრემიერ-მინისტრი




გიორგი კვირიკაშვილი